



Broj: 05/2-11/3-2636/22
Velika Kladuša, 30.11.2022. godine

Na osnovu člana 70. i člana 72. stav (3) Zakona o javnim nabavkama BiH („Službeni glasnik BiH“, broj: 39/14), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku usluga nadzora nad izvođenjem radova izgradnje parka, dječijeg igrališta i parkinga u Velikoj Kladuši, ulica 9. maja bb Mekote – I faza, a na osnovu preporuke Komisije za javne nabavke, Općinski načelnik Općine Velika Kladuša, donio je

ODLUKU
o dodjeli ugovora

1. Prihvata se ponuda ponuđača „STUDIO DVA“ d.o.o. Sarajevo dostavljena Ugovornom organu po JN broj: 299-7-2-55-3-44/22, te se Ugovor o javnoj nabavci usluga nadzora nad izvođenjem radova izgradnje parka, dječijeg igrališta i parkinga u Velikoj Kladuši, ulica 9. maja bb Mekote – I faza, dodjeljuje imenovanom ponuđaču.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14).

O b r a z l o ž e n j e

Na osnovu postupka javne nabavke broj: 299-7-2-55-3-44/22, objavljenog na stranici Agencije za javne nabavke, proveden je konkurentski postupak javne nabavke usluga nadzora nad izvođenjem radova izgradnje parka, dječijeg igrališta i parkinga u Velikoj Kladuši, ulica 9. maja bb Mekote – I faza, te je izvršeno javno otvaranje ponuda, dana 23.11.2022. godine, što je konstatovano Zapisnikom sa otvaranja ponuda od istog dana.

Dostavljanje Zapisnika sa otvaranja ponuda je izvršeno prema svim učesnicima postupka nabavke u zakonskom roku.

Na osnovu uvida u Izvještaj o preuzimanju tenderske dokumentacije Komisija za javne nabavke je konstatovala da je Tenderska dokumentacija preuzeta od strane osam ponuđača.

Krajnji rok za podnošenje ponuda bio je do 23.11.2022. godine do 13:00 sati.

Nakon isteka krajnjeg roka za podnošenje ponuda evidentirano je da su pristigle dvije ponude i to:

1. Projektni biro „S.E.N.S.S.A“ d.o.o. Velika Kladuša i
2. „STUDIO DVA“ d.o.o Sarajevo.

Nakon izvršenog otvaranja ponuda Komisija je pristupila analizi dokumentacije priložene uz ponudu u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima te konstatovala da obje ponude ispunjavaju formalno-pravne i tehničke zahtjeve ugovornog organa te su kao takve prihvatljive i mogu biti predmet vrednovanja u sistemu e-aukcije, koja se i namjeravala koristiti u ovom postupku.

Shodno odredbama Zakona i općima aktima, kriterij za vrednovanje ponuda je „najniža cijena tehnički zadovoljavajuće ponude“, a nakon provedenog postupka e-aukcije dana 28.11.2022. godine, sa početkom u 10:35 sati i završetkom u 11:45 sati i na osnovu Izvještaja Agencije za javne nabavke BiH o toku i završetku e-aukcije utvrđeno je da nije bilo podnošenja ponuda tokom vremena predviđenog za održavanje e-aukcije te da je konačna rang lista ponuđača koji su učesvovali u e-aukciji:

1. „STUDIO DVA“ d.o.o Sarajevo, sa cijenom 1.990,00 KM bez PDV-a i
2. Projektni biro, „S.E.N.S.S.A“ d.o.o. Velika Kladuša, sa cijenom 2.000,00 KM bez PDV-a.

Shodno utvrđenoj rang listi, Komisija za javne nabavke dala je Općinskom načelniku Općine Velika Kladuša, preporuku da donese Odluku o dodjeli ugovora ponuđaču „STUDIO DVA“ d.o.o. Sarajevo, odnosno da da saglasnost na ovaj Izvještaj radi provođenja daljih aktivnosti na realizaciji postupka nabavke u skladu sa odredbama Zakona i općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:
Tahirović Azra, dipl. pravnik



OPĆINSKI NAČELNIK
Fikret Abdić, dipl.ing.

DOSTAVITI:

1. Učesnicima u postupku, 2x,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.